

KJKP "RAD" d.o.o. SARAJEVO
-Direktorica-

Broj: 05-03-04-_____ /20
Sarajevo, 20.01.2020. godine

Na osnovu člana 70. Zakona o javnim nabavkama BiH ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, direktorica Vera Arnautović donosi:

O D L U K U
o izboru najpovoljnijeg ponuđača za javnu nabavku rezervnih dijelova za motorna vozila VW – Lot 2

I

Najpovoljniji ponuđača za javnu nabavku rezervnih dijelova za motorna vozila VW – Lot 2 je ponuđač **Panex d.o.o Sarajevo**.

O B R A Z L O Ž E N J E

KJKP "RAD" d.o.o. Sarajevo je dana 07.11.2019. godine na portalu javnih nabavki BiH objavio Obavještenje o nabavci kroz otvoreni postupak sa međunarodnom objavom za izbor najpovoljnijeg ponuđača za javnu nabavku rezervnih dijelova za motorna vozila (LOT 2 - Rezervni dijelovi za motorna vozila VW), sa rokom dostave ponuda 23.12.2019. godine.

Po otvorenom postupku sa međunarodnom objavom za LOT 2 - Rezervni dijelovi za motorna vozila VW pristigle su 2 (dvije) ponude i to ponude firmi:

- **Panex d.o.o. Sarajevo**
- **Autoelektra d.o.o. Sarajevo**

Komisija za javnu nabavku je u toku provođenja postupka (LOT 2 - Rezervni dijelovi za motorna vozila VW) i nakon detaljnog pregleda dostavljene dokumentacije utvrdila sljedeće:

- Ponuđač **Panex d.o.o. Sarajevo** je dostavio svu potrebnu dokumentaciju i ponudio trogodišnju cijenu okvirnog sporazuma u iznosu od: 89.800,11 KM bez PDV-a. Komisija je u skladu sa članom 17. Uputstva za pripremu modela tenderske dokumentacije i ponude izvršila provjeru navedene cijene, kao i izmjenu uočenih računarskih grešaka. Nakon izvršene ispravke Komisija je utvrdila novu/ispravljenju cijenu ponude i to u iznosu od: 89.618,74 KM bez PDV-a, te je ispravljena cijena dana 06.01.2020. godine, a u skladu sa članom 17. Uputstva za pripremu modela tenderske dokumentacije i ponude dostavljena ponuđaču na potvrdu i saglasnost. Ponuđač **Panex d.o.o. Sarajevo** je u predviđenom roku i to dana 07.01.2020. godine dostavio odgovor i potvrdio svoju saglasnost na novu/ispravljenju cijenu okvirnog sporazuma, a koja iznosi: **89.618,74 KM bez PDV-a**.

Naprijed navedena ponuda je ocijenjena kao **potpuna i prihvatljiva**.

- Ponuđač **Autoelektra d.o.o. Sarajevo** je dostavio svu potrebnu dokumentaciju i ponudio trogodišnju cijenu okvirnog sporazuma u iznosu od: 207.186,00 KM bez PDV-a. Komisija je u skladu sa članom 17. Uputstva za pripremu modela tenderske dokumentacije i ponude izvršila provjeru navedene cijene, kao i izmjenu uočenih računarskih grešaka. Nakon izvršene ispravke Komisija je utvrdila novu/ispravljenju cijenu ponude i to u iznosu od: 206.550,00 KM bez PDV-a, te je ispravljena cijena dana 06.01.2020. godine, a u skladu sa članom 17. Uputstva za pripremu modela tenderske dokumentacije i ponude dostavljena ponuđaču na potvrdu i saglasnost. Ponuđač **Autoelektra d.o.o. Sarajevo** je u predviđenom roku i to dana 07.01.2020. godine dostavio odgovor i potvrdio svoju saglasnost na novu/ispravljenju cijenu okvirnog sporazuma, a koja iznosi: **206.550,00 KM bez PDV-a**.

Naprijed navedena ponuda je ocijenjena kao **potpuna i prihvatljiva**.

Cijeneći činjenice koje je Komisija imala u vidu pri odabiru najpovoljnije ponude Komisija je utvrdila rang listu ponuda koje su ocijenjene kao potpune i prihvatljive prema kriteriju objavljenom u tenderskoj dokumentaciji.

Rang lista ponuđača:

1. Panex d.o.o. Sarajevo
Cijena (89.618,74 KM bez PDV-a)

2. Autoelektra d.o.o. Sarajevo
Cijena (206.550,00 KM bez PDV-a)

Obzirom da se radi o postupku javne nabavke sa kojim je predviđeno sklapanje Okvirnog sporazuma, a da je broj prihvatljivih ponuda dvije (2), cijeneći budžet ugovornog organa određen za nabavku predmeta javne nabavke od strane Komisije za javne nabavke utvrđeno je da je zadovoljena stvarna konkurencija, te je data preporuku Ugovornom organu da se provede e-aukcija dana 13.01.2020. godine, u skladu sa informacijama o procesu e-aukcije datim u tenderskoj dokumentaciji.

Ugovorni organ je dana 10.01.2020. godine zakazao E-aukciju za dan 13.01.2020. godine u 12:00 h, a koju je Agencija za javne nabavke BiH u skladu sa svojim ovlastima zbog tehničkih problema pomjerila i zakazala za dan 16.01.2020. godine u 12:00 h. Nakon provedene E-aukcije utvrđena je konačna rang lista ponuđača, a u skladu sa Izvještajem o toku i završetku e-aukcije.

Konačna rang lista ponuđača:

1. Panex d.o.o Sarajevo
Cijena (89.618,74 KM)

2. Autoelektra d.o.o. Sarajevo
Cijena (206.550,00 KM)

Obzirom da se radi o otvorenom postupku javne nabavke sa međunarodnom objavom kojim je previđeno sklapanje Okvirnog sporazuma, cijeneći budžet ugovornog organa određen za nabavku predmeta javne nabavke, Komisija za javne nabavke daje preporuku Ugovornom organu da u skladu sa članom 69. stav 1. tačka a) Zakona o javnim nabavkama BiH ("Službeni glasnik BiH", broj 39/14) prihvati ponudu ponuđača **Panex d.o.o Sarajevo** kao potpuna i prihvatljiva, budući da je dostavio svu potrebnu dokumentaciju te ponudio ukupnu trogodišnju cijenu u iznosu od: 89.618,74 KM bez uračunatog PDV-a / 29.872,91 KM bez uračunatog PDV-a.

Smatram da je Komisija pravilno postupila kada je uzela u obzir gore navedene kriterije i kada je predložila ponudu gore navedenog ponuđača kao potpuno prihvatljivu. Iz tih razloga prihvatam prijedlog Komisije i donosim odluku kao u dispozitivu.

Pouka o pravnom lijeku: Protiv ove Odluke može se uložiti žalba Ugovornom organu, odnosno KJKP "RAD" d.o.o. Sarajevo, u pisanoj formi u roku od 10 (deset) dana od dana prijema ove Odluke.

**KJKP „RAD“ d.o.o. Sarajevo
Direktorica**

Vera Arnautović, dipl.pravnik

DOSTAVITI:

- Ponuđačima;
- Komercijalnoj službi;
- a/a;